



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LOKUTHOMA LOKWENGEZA (FAL)

IPHEPHA LESITHATHU (P3)

2022

UMHLAHLANDLELA WOKUTSHWAYA

IMITLOMELO: 100

Umhlahlandlela wokutshwaya lo unamakhasi ali-11.

ISIGABA A: AMATHEKSTHI WOKUZITLAMELA (AMA-ESEYI)**UMBUZO 1****TJHEJA:**

- **Kiwo woke amatheksthi yelela inani lamagama aphakanyisweko. I-esityi ephathelene nesithombe ayinikelwe isihloko esiyifaneleko.**
- **Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.**

1.1 Utitjhere owadlala indima eqakatheke khulu eemfundweni zami.**I-esityi Ecocako****Nakhu okuqakathekileko nakutshwaywa le-esityi:**

- Ohlolwako kulindeleke bona acoce bekahlathulule ngezenzo eziveza ukuqakatheka kwakatitjhere lo epilwenakhe.
- Ohlolwako kulindeleke bona atlole indaba ibe sesikhathini esidlulileko beyikhohwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

[50]**1.2 Salila kathathu kwathula du!****I-esityi Ehlathululako****Nakhu okuqakathekileko nakutshwaywa le-esityi:**

- Ohlolwako kulindeleke bona ahlathulule okwenzeka mhlana ezwa kuduma isigidi.
- Ohlolwako kulindeleke bona atlole indaba ibe sesikhathini sanje beyikhohwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana nakatlola indabakhe.

[50]**1.3 Iinkundla zokuthintana zisiqede nya isikhathi sokufunda ebafundini.****I-esityi eveza imizwa****Nakhu okuqakathekileko nakutshwaywa le-esityi:**

- Ohlolwako akaveze imizwakhe nokuthatheka kwehliziyo ngesihloko anikelwe sona. Akaveze ngekhambo iintjhihilo nanyana iragelophambili eliphathelene neenkundla zokuthintana.
- Ilangothi elikhulu le-esityi akube ngelihlathulula imizwa nalokho okusengqondwenakhe ngesihlokweni.
- Okuqakatheke khulu ngesihlokweni kukobana ohlolwako kufanele atjhegeze abuyele emva esehlakalweni esakhe samenzakalela, abeke imibonwakhe ngokwenzakalako, okungaba ngokumbi nofana iimphoso bese athathe iinqunto ngokobana ubona kufanele kwenziweni ukutjhungulula ubujamo balokho esikhathini esizako.

[50]

1.4 **Ubuhle nobumbi bokusetjenziswa kweenhlahla/imitjhoga yesintu.**

I-esityi Emahlangothimabili/Emadanisako

- Ohlolwako kulindeleke bona aveze tihatjhalazi amaphuzu amahle namambi alethwa kusetjenziswa kweenhlahla/imitjhoga yesintu.
- Okuqakathekileko nge-esityi le kukobana ohlolwako kulindeleke bona azwakale begodu angathathi ihlangothi, anikele amaphuzu amahle namambi ngokulinganako ngesihlokweni.

[50]

1.5 **Ifundo silodlhelu sepumelelo.**

I-esityi Ephikisako/Ehlangothilinye

Nakhu okuqakathekileko nakutshwaya le-esityi:

- Ohlolwako kulindeleke bona athome ngokobana akhethe ihlangothi azokutlola ngalo, aveze ngendlela ifundo ivula iminyango yepumelelo ngakhona nofana aphikise ngokuveza bona umuntu angaphumelela nanyana angakafundi.
- Kuqakathekile bona ohlolwako anikele amaphuzu asekelo imibonwakhe nakavumelana nofana aphikisana nesitatimendesi kufikela ekupheleni kwendabakhe.

[50]

1.6 **Ukutshwaya/Ukurhumutjha iinthombe.**

Ohlolwako kumele:

- Anikele i-esityakhe isihloko esiyifaneleko.
- Ahlathulule i-esityakhe ngananyana ngiyiphi indlela kodwana ikhambelane nesithombe.
- Akhethe nanyana ngiwuphi umhlobo we-esityi okhambelana nesithombe.
- Ahlanganise ukuhlathululwa kwendaba nesithombe.
- Atlole ngesikhathi esifaneleko.

1.6.1 Ohlolwako angakhetha nanyana ngimuphi umhlobo we-esityi afuna ukutlola ngawo. Kungaba yi-esityi ecocako, ehlahlulako, eveza imizwa, emahlangothimabili nofana ehlangothilinye. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala amadoda amane alinga ukusiza indoda eyodwa ebonakala ibhalelwa kuzisisa ngokwayo.

[50]

1.6.2 Ohlolwako angakhetha nanyana ngimuphi umhlobo we-esityi afuna ukutlola ngawo. Kungaba yi-esityi ecocako, ehlahlulako, eveza imizwa, emahlangothimabili nofana ehlangothilinye. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala umuntu ojame eendleleni ezihlukanako, kufanele akhethe indlela eyodwa azoyikhamba.

[50]

- 1.6.3 Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlatululako, eveza imizwa, emahlangothimabili nofana ehlangothilinye. Kuqakathekile bona ohlolwako aqinisekise bonyana indabakhe nesithombe ziyakhambelana. Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala incwadi, ibholipheni newatjhi.

[50]

IMITLOMELO YESIGABA A:

50

ISIGABA B: AMATHEKSTHI AMADE WOKUTHINTANA**UMBUZO 2****2.1 INCWADI YOBUNGANI.**

Nakhu okuqakathekileko nakutshwaywa incwadi yobungani:

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele isib: Janabari/Tjhirhweni ingasi ngesiNgisi. Tjheja: Isiphande, isilotjhiso nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Isilotjhiso asiphakamise ibizo lomuntu omtlolelako. Isib; Jabulile, Mma, Baba; njll.
- Esingenisweni akuvele umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi.
- Ohlolwako akahlathulule khudlwana emzimbeni amaphuzu akhambisana nomnqopho awuveze esingenisweni.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolelweko azi kuhle bonyana utlolelwe ngubani. Isibongo akufuneki ukobana usitlole ngombana niyazana ninomuntu omtlolelako.

[30]**2.2 I-IMEYILI**

Nakhu okuqakathekileko nakutshwaywa i-imeyili.

- Iba nesiphande saloyo otlolelwako.
- Iba nesihloko sendaba.
- Iba nesilotjhiso.
- Kutlolwa indaba emayelana nesihloko.
- Iba nesilayeliso.
- Iphetha ngesibongo namaledere weenthomo zamabizo waloyo otlolako.
- Lokhu kwenzelwa ukobana loyo otlolelweko azi kuhle bonyana i-imeyili itlolwe ngubani.
- Ungafaka okunamathiselwako.

[30]**2.3 UMBIKO OHLELEKILEKO**

Nakhu okuqakathekileko nakutshwaywa umbiko ohlelekileko:

- Umnqopho wombiko kudlulisa ilwazi elithileko.
- Amaphuzu kumele abe liqiniso kungabi mbono.
- Amaphuzu kumele aphathelane nesihloko.
- Amaphuzu kumele atlolwe abe maphoyinti.
- Ilimi elisetjenziswako kufanele likhambisane naloyo nanyana labo umbiko oqaliswe kibo.

- Ukuze umbiko uzwakale kuhle kumele utlolwe ngomuntu wesithathu, okukhulunywa ngaye.
- Kumele umbiko ube nesihloko esitjhoko bona umbiko lowo umayelana nani.
- Isihloko kumele sibe nebizo lomuntu nanyana abantu umbiko oqaliswe kibo.
- Kumele kutlolwe lokho okutholakele ephenyweni.
- Kumele kube nesiphetho.
- Kumele kube neemphakamiso.
- Kumele ekugcineni umbiko utlikitlwe.
- Kumele godu umbiko ube nelanga otlolwe ngalo.

[30]

2.4 IKULUMO PENDULWANO

Nakhu okuqakathekileko nakutshwaywa ikulumo pendulwano:

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Akulutjhisana kungenwa endabeni zisuka zibekwa.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikholoni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolwe afakwe ngaphakathi kweembayana ngemva kwekholoni etlolwe eduze negama lokhulumako nofana laloyo okhulumako.
- Ukukhethwa kwamagama kumele kutjengise ukwehlukana kwezinga lalabo abakhulumako. **Isib. ubaba nakakhuluma nendodana, umntwana wesikolo nakakhuluma notitjhere.**
- Ukobana ikulumo pendulwano ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seyiyaphetha.
- Ingaphetha ngokobana bazwane nanyana bangezواني kuye ngokobana indaba egade icocwa ikhambe njani.

[30]

IMITLOMELO YESIGABA B:

30

ISIGABA C: AMATHEKSTHI AMAFITJHANI WOKUTHINTANA

UMBUZO 3

3.1 IPHOSTARA

Nakhu okuqakathekileko nakutshwaywa iphostara:

- Indawo lapho kufundelwa khona.
- Igama lesikolweso.
- Okuthogekako nawuzitlolisako.
- Ilanga nesikhathi sokungena nesokuphuma.
- Imali yokubhadela nangabe ikhona.
- Iinsetjenziswa ezithogekako.
- Imininingwana yakho la ungatholakala khona.

[20]

3.2 UMLAYEZO WE-WHATSAPP

Nakhu okuqakathekileko nakutshwaywa iWhatsapp:

- Uzobe akuphi umma nakuhlelwa iphathi.
- Abahleli bephathi.
- Ukudla okuyokudliwa mhlokho.
- Isikhathi sokuthoma kwephathi.
- Abazokukhuluma mhlokho.

[20]

3.3 IMILAYELO

Nakhu okuqakathekileko nakutshwaywa imilayelo.

- Mbatha imaski nawusebantwini.
- Hlalani maqalanga.
- Ungabambi umuntu ngesandla.
- Balekela ukuba sebantwini abanengi.
- Hlamba izandla zakho ngesihlanzekisi (*Sanitizer*).
- Thimulela ngaphakathi kwendololwana.
- Hlala ekhaya, uphume kuphela nakunesidingo.

[20]

IMITLOMELO YESIGAB C: 20
INANI LOKE: 100

ISIGABA A: IRUBHRIKHI YOKUTSHWAYA/YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO] TJHEJA:

- Sebenzisa irubhriki njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladlhuli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladlhuli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

IRUBHRIKHI YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLOLA (Ukuphendula) Ukuhleleka kwemiqondo yokuhlela Ukulemukwa komnqopho, abamukelilwazi nobujamo 30 IMITLOMELO	Izinga eliphezulu	28–30	22–24	16–18	10–12	4–6
		- Ukuphendula okudluleleko. - Imiqondo ehlakaniphileko, netjengisa ukukhula. - Ukuhleleka okudluleleko nokukhambelana kwesingeniso, umzimba nesiphetho.	- Iimpindulo zihleleke kuhle, zikhambelana khulu begodu zimnandi. - Kunobufakazi nokukhula okubonakalako. - Isingeniso, umzimba nesiphetho kuhleleke kuhle begodu kuyakhambelana.	- Ukuphendula okwanelisako. - Imiqondo ekhambelanako nekholisako. - Kunokuhleleka nokukhambelana okulingeneko kwesihloko, isingeniso, umzimba nesiphetho	- Ukuphendula okungakajami ndawonye. - Imiqondo engakanqophi. - Ubufakazi obuncani bokuhleleka nokukhambelana kwendaba.	- Ukuphendula okuphume endloleni khulu. - Imiqondo enganattha nengazwakaliko. - Imiqondo engakahleleki nengakhambelaniko.
	Izinga eliphasi	25–27	19–21	13–15	7–9	0–3
		- Ukuphendula okudluleleko kodwana kutlhayela amatshwayo wendaba ehle. - Imiqondo ekhulileko nenokuhlakanipha. - Kunokuhleleka nokukhambelana okuhle kwesingeniso umzimba nesiphetho.	- Ukuphendula okuhle. - Imiqondo ekarisako nekambelanako. - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okwanelisako kodwana okunganattha. - Imiqondo iyakhambelana ngokulingeneko. - Kunokuhleleka nokukhambelana okulingeneko kwesingeniso, umzimba nesiphetho.	- Ukuphendula okungakhambelaniko nokusezingeni eliphasi. - Imiqondo ayikahlangani begodu ayikanqophi. - Kunokuhleleka okungakhambelani nendaba.	- Ukuphendula isihloko akukalingwa nokulingwa. - Imiqondo engakhambelaniko nengakafaneli. - Imiqondo enganattha nengazwakaliko.

IRUBHRIKHI YOKUHLOLA INDABA YELIMI LOKUTHOMA LOKWENGEZA [50 IMITLOMELO] (iyaraga)

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
		14–15	11–12	8–9	5–6	0–3
<p>ILIMI, ISITAYELA NOKU-EDITHA.</p> <p>Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.</p>	Izinga eliphezulu	<p>-Iphimbo, irejista, isitayela nelwazimagama elifaneleko nelihle ngokudluleleko, elinemba umnqopho, abamukelilwazi nobujamo.</p> <p>-Ukusetjenziswa kwelimi kusezingeni elihle ngokudluleleko.</p> <p>-Ihlelo nesipelinghi esinganamphoso.</p> <p>-Kutlanywe kuhle ngokudluleleko.</p>	<p>-Iphimbo, irejista, isitayela nelwazimagama elifanele khulu umnqopho, abamukelilwazi nobujamo.</p> <p>-Ilimi liyanemba begodu lisetjenziswe ngokufaneleko.</p> <p>-Ihlelo nesipelinghi akunamphoso khulu, zimbawala.</p> <p>- Indabakhe itlanywe ngokutjengisa ikghono.</p>	<p>-Iphimbo, irejista, isitayela nelwazimagama elifanele umnqopho, abamukelilwazi nobujamo.</p> <p>-Ukusetjenziswa kwelimi okwethula ihlathululo.</p> <p>-Ihlelo nesipelinghi kuneemphoso ezinengana.</p> <p>- Kutlanywe ngokusezingeni elilingeneko.</p>	<p>-Iphimbo, irejista, isitayela nelwazimagama eliwufanele kancani umnqopho, abamukelilwazi nobujamo.</p> <p>-Ukusetjenziswa kwelimi okusezingeni eliphasi.</p> <p>-Ihlelo nesipelinghi kuneemphoso ezinengi khulukhulu.</p> <p>- Kutlanywe ngokusezingeni eliphasi khulukhulu.</p>	<p>-Iphimbo, irejista nesitayela ezingakafaneli umnqopho khulu, abamukelilwazi nobujamo.</p> <p>-Ilwazimagama elitlhayela khulu nelenza kube budisi ukuzwisisa itheksthi.</p> <p>-Ilimi elingazwakaliko.</p> <p>-Ihlelo nesipelinghi kuneemphoso ezinengi khulukhulu/ ngokubabazekako.</p> <p>- Kutlanywe ngokusezingeni eliphasi khulukhulu.</p>
		<p>15 IMITLOMELO</p>	Izinga eliphasi	<p>13</p> <p>-Iphimbo, irejista, isitayela nelwazimagama elifaneleko elinemba umnqopho, abamukelilwazi nobujamo.</p> <p>-Ukusetjenziswa kwelimi kusezingeni elihle khulu.</p> <p>-Ihlelo nesipelinghi esinganamphoso ezinengi khulu.</p> <p>-Kutlanywe kuhle khulu.</p>	<p>10</p> <p>-Iphimbo, irejista, isitayela nelwazimagama elifanele umnqopho, abamukelilwazi nobujamo.</p> <p>-Ilimi liyanemba begodu lisetjenziswe ngokufaneleko.</p> <p>-Ihlelo nesipelinghi kuneemphoso ezinengana.</p> <p>-Kutlanywe kuhle.</p>	<p>7</p> <p>- Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko.</p> <p>- Ukusetjenziswa kwelimi okungathuli ihlathululo.</p> <p>-Ihlelo nesipelinghi kuneemphoso ezinengi khulu.</p> <p>- Kutlanywe ngokusezingeni eliphasi.</p>
<p>ISAKHIWO</p> <p>Amatshwayo wetheksthi. Ukwakhiwa kweengaba nemitjho nokuquntulwa kwamagama ngendlela engasiyo.</p>				<p>5</p> <p>- Kuvezwe amatshwayo nemininingwana eqakathekileko yesakhiwo sendaba.</p> <p>- Kunokuqongelana okuhle ngokudluleleko kweengaba.</p> <p>- Imitjho neengaba kwakheke ngendlela ehle ngokudluleleko.</p>	<p>4</p> <p>-Kuvezwe amatshwayo nemininingwana yesakhiwo sendaba.</p> <p>-Kunokuqongelana okuhle kweengaba.</p> <p>-Imitjho neengaba kwakheke ngendlela ehle.</p>	<p>3</p> <p>-Amatshwayo nemininingwana evezweko iyakhambelana.</p> <p>-Imitjho neengaba kwakheke ngendlela elingeneko.</p> <p>-Indaba isanikela umqondo.</p>
		<p>5 IMITLOMELO</p>				

ISITJENGISO SOKWABIWA KWEMITLOMELO:

Km- : (Tlola umtlomelo otholwe mfundi) L- : (Tlola umtlomelo otholwe mfundi) Sk- : (Tlola umtlomelo otholwe mfundi)

Ilungelo lokukhuphela lifunjethwe

Phendla

ISIGABA B: AMATHEKSTHI AMADE WOKUTHINTANA

IRUBHRIKHI YOKUHLOLA AMATHEKSTHI AMADE WOKUTHINTANA WELIMI LOKUTHOMA LOKWENGEZA [30 IMITLOMELO]

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
<p>OKUMUNYETHWEKO, UKUHELELA NESAKHIWO</p> <p>-Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo.</p> <p>18 IMITLOMELO</p>	<p>15–18</p> <p>-Ukuphendula okulindeleke ngokudluleleko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.</p>	<p>11–14</p> <p>-Ukuphendula okuhle nokutjengisa ilwazi elihle lamatshwayo wetheksthi. -Umtlolo unqophile, awukaphumi esihlokweni begodu usekelwe kuhle ngendlela etjengisa ikghono. -Kunemininingwana esekela isihloko. -Isakhiwo esifaneleko kodwana esinokungakhambelani okuncacani.</p>	<p>8–10</p> <p>-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana kokumunyethweko nemiqondo. - Eminye imininingwana esekela isihloko iveziwe. -Isakhiwo sifanele ngokulingeneko kodwana sinokungakhambelani okuncacani.</p>	<p>5–7</p> <p>-Ukuphendula ngokusisekelo okutjengisa ilwazi lamatshwayo wetheksthi. -Kunokunqophla kodwana okunengi kuphambene nesihloko. -Imininingwana esekela isihloko imbalwa. -Imithetho eqakathekileko yelimi isetjenziswe ngendlela ekungasiyo. -Kunobutjapha obukhona obubonakala emithethweni nematshwayeni wesakhiwo.</p>	<p>0–4</p> <p>-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.</p>
<p>ILIMI, ISITAYELA NOKU-EDITHA</p> <p>-Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithetjhwana yokutlolwa kwelimi. -Ukukhethwa kwamagama anembako umnqopho. -Ukusetjenziswa kwamatshwayo wokutlola nesipelinghi.</p> <p>12 IMITLOMELO</p>	<p>10–12</p> <p>-Iphimbo, irejista, isitayela nelwazimagama kuwufanele kuhle khulu, umnqopho abamukelilwazi nobujamo. -Ihlelo lisetjenziswe ngokunembako belihleleke kuhle khulu. -Kuneemphoso ezincani khulu.</p>	<p>8–9</p> <p>-Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.</p>	<p>6–7</p> <p>- Iphimbo, irejista, isitayela, nelwazimagama kufanele ngokulingeneko umnqopho, abamukelilwazi nobujamo. - Kuneemphoso zehlelo kodwana azilimazi ihlathululo.</p>	<p>4–5</p> <p>-Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. -Ihlelo lineemphoso ezenza bona ihlathululo ingazwakali.</p>	<p>0–3</p> <p>-Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Ihlelo lineemphoso ezinengi khulu ezenza bona ihlathululo ingazwakali nakancani.</p>

ISITJENGISO SOKWABIWA KWEMITLOMELO:

Km-/sk- : (Tlola umtlomelo otholwe mfundi)

L-: (Tlola umtlomelo otholwe mfundi)

ISIGABA C: AMATHEKSTHI AMAFITJHANI WOKUTHINTANA

IRUBHRIKHI YOKUHLOLA AMATHEKSTHI AMAFITJHANI WOKUTHINTANA WELIMI LOKUTHOMA LOKWENGEZA [20 IMITLOMELO]

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
<p>OKUMUNYETHWEKO, UKUHLELA NESAKHIWO</p> <p>-Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo.</p> <p>12 IMITLOMELO</p>	<p>10-12</p> <p>-Ukuphendula okulindeleke ngokudluleleko. -Imiqondo ehlananiphileko nekhumileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.</p>	<p>8-9</p> <p>-Ukuphendula okuhle nokutjengisa ilwazi elihle lamatshwayo wetheksthi. -Umtlolo unqophile, awukaphumi esihlokweni begodu usekelwe kuhle ngendlela etjengisa ikghono. -Kunemininingwana esekela isihloko. -Isakhiwo esifaneleko kodwana esinokungakhambelani okuncacani.</p>	<p>6-7</p> <p>-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana kokumunyethweko nemiqondo. - Eminyane imininingwana esekela isihloko iveziwe. -Isakhiwo sifanele ngokulingeneko kodwana sinokungakhambelani okuncani.</p>	<p>4-5</p> <p>-Ukuphendula ngokusisekelo okutjengisa ilwazi lamatshwayo wetheksthi. -Kunokunqophela kodwana okunengi kuphambene nesihloko. -Imininingwana esekela isihloko imbalwa. -Imithetho eqakathekileko yelimi isetjenziswe ngendlela ekungasiyo. -Kunobutjapha obukhona obubonakala emithethweni nematshwayeni wesakhiwo.</p>	<p>0-3</p> <p>-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.</p>
<p>ILIMI, ISITAYELA NOKU-EDITHA</p> <p>-Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithetjhwana yokutlolwa kwelimi. -Ukukhethwa kwamagama anembako umnqopho. -Ukusetjenziswa kwamatshwayo wokutlola nesipelinghi.</p> <p>8 IMITLOMELO</p>	<p>7-8</p> <p>-Iphimbo, irejista, isitayela nelwazimagama kuwufanele kuhle khulu, umnqopho abamukelilwazi nobujamo. -Ihlelo lisetjenziswe ngokunembako belihleleke kuhle khulu. -Kuneemphoso ezincani khulu.</p>	<p>5-6</p> <p>-Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.</p>	<p>4</p> <p>- Iphimbo, irejista, isitayela, nelwazimagama kufanele ngokulingeneko umnqopho, abamukelilwazi nobujamo. - Kuneemphoso zehlelo kodwana azilimazi ihlathululo.</p>	<p>3</p> <p>-Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. -Ihlelo lineemphoso ezenza bona ihlathululo ingazwakali.</p>	<p>0-2</p> <p>-Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Ihlelo lineemphoso ezinengi khulu ezenza bona ihlathululo ingazwakali nakancani.</p>

ISITJENGISO SOKWABIWA KWEMITLOMELO:

Km/-sk- : (Tlola umtlomelo otholwe mfundi)

L-: (Tlola umtlomelo otholwe mfundi)